


# მშენებელი

# პატრონები

იუმორისტ. ჟურნალი

№ 20

300 წლის დღესასწაული უკვდავი მწერლის სერგანტისა.



ქართველი დონ-კიხოტი\*) და სანჩო-პანჩო\*\*) ბრუნდებიან გამარჯვებულნი ქარის წისკვილებთან ბრძოლის შემდეგ.

\*) მწერლობაში კიტა აბაშიძის ფსევდონიმით გამოდის.  
 \*\*) მწერლობაში კოწია თუმანიშვილის სახელს ატარებს.

# საქმის კაცები.

გათავდა ის „საქმე“  
და ღონკიხოტები,  
ეროვნულ „მერანთა“  
ზე შენაბოტები,

მოდიან ზმაყად,  
მოდიან შიღვევლნი,  
რაინდულ ყიჟინის  
სიუხვით მფრკვეველნი.

მათ უკვე მოსტეხეს  
ფრთა ქარის წისქვილსა,  
თავს ლაფი დაასხეს  
სიმორცხვეს, სირცხვილსა!

შემოსეს დიდებით  
მათ ერის სახელი,  
რაკი თვით შეიქმნენ  
მის გამომსახველი.

შეხედეთ ღონ კიხოტს,  
„როსსინატს“ მისასა...  
(ქართველ გლეხს თუ არ ჰგავს  
და თავად კიტასა!)

სამასი წელია,  
რაც დიდი სერვანტეს  
ისპანთა მწერალი  
მოკვდა და დამარხეს.

მაგრამ ის, რაც მისმა  
აღბეჭდა კალამმა,  
ჯერაც ვერ შემუშრა  
ქამთა ცვლის ძალამა.

კვლავ ცოცხლობს „ღონ-კიხოტ“  
სერვანტეს კი არა...  
თვით სანჩო-პანჩომაც  
ჯანმრთელად იარა,


და დღესაც სეირნობს,  
ის როგორც წინათა  
გულმშვიდი ღიმილით,  
და არხეინათა.

ყველა ერს ბლომათ ყავს  
ამგვარი მხედრობა,  
მაგრამ ჩვენ ამ მხრივაც  
ვერავენ გვედრება,

და მიკვირს საშინლად  
საგანს რო ჩაგხედავ,  
იმ რიგათ მიკვირს, რომ  
თქმასაც ძლივს გაგბედავ:

—რათ მოკვდა სერვანტეს,  
სანჩო კი გადარჩა?  
და ქართლის ცხოვრება  
ღონ-კიხოტთ რად დარჩა?

ეშმაკი.



# ორი რედაქცია.

„სამედიატორო სსსამართლომ, რომელიც  
შესდგა ფარმ. ქვათაძესა და „ზვირთის“ კორეს-  
პოდენტ, შუბის“ შორის უკანასკნელის ბრალდე-  
ბა დაუსაბუთებლათ სცნო და თანახმად მხარეთა  
შორის დადებულ პირობისა 50 მანეთი „თანამე-  
დროვე აზრის“ რედაქციას გადასცა. (გაზეთიდან).

**ზვირთის რედაქციაში.**—მეგობრებო, ამ გა-  
რემოებას საქიროა ახლავ გაეწიოს ანგარიში. მარ-  
თალია ჩვენს რედაქციას ამით არაფერი აკლდება,  
ჯარიმას კორესპოდენტები იხდიან, მაგრამ სახეში  
სხვა მხარეც უნდა მივიღოთ. საქმე იმაშია, მეგობ-  
რებო, რომ ამით ჩვენ ვალონიერებთ ჩვენი მტრე-  
ბის რედაქციას. ხუთი თუმანი, რა თქმა უნდა ღი-  
დი არაფერია, მაგრამ მთავარი საფრთხე პრეცედენ-  
ტის შექმნაა. თუ ყველა ჩვენს საალაღბედლოთ  
გაშვებულ ინსინუაციებს ასეთი კუდი გამოაბეს და  
მათი სამართლიანობის დამტკიცება მოგვთხოვენ  
სად წაგვიყვანს ეს პერსპექტივა?

— გვესმის, მეგობარო, თქვენი გულისტკი-  
ვილი, მაგრამ საქმეს რითი უნდა ვუშველოთ?

— აი მომისმინეთ. ქართველი დემოკრატია,  
რომლის წარმომადგენელი მხოლოდ და მხოლოდ  
ჩვენა ვართ, რასაკვირველია ბრძოლის ამ საშუა-  
ლებზე ხელს ვერ აიღებს, ეს იგივე იქნება, რომ  
გერმანიას წყალქვეშა ნავეებით თარეშით აუკრძალო,  
მაგრამ ჩვენ საქმე ისე უნდა მოვაქაზებოთ, რომ  
ქანგის მოღება არ შეიძლებოდეს.

— ვეცდებით, ვეცდებით! ერთხმათ უბასუხა  
თედორეს „მთელმა ქართველმა დემოკრატებმა“.  
(სამში მხოლოდ ერთმა შეიკავა თავი).

— მაშ ეგრე. მეგობრებო! არც ერთი კაპეიკი  
ჩვენს მტრებს ჩვენი ქორების ფასად.

**„თანამედროვე აზრის“ რედაქციაში.** ამხა-  
ნაგებო! მითხარით რა სახელით შევიტანოთ ეს  
ხუთი თუმანი საანგარიშო წიგნში. — ჩუმ-ჩუმი ღმი-  
ლით ეკითხებოდა ვასო სარედაქციო კოლეგიის  
წევრებს.

— სრულიად უბრალოდ, წარმოსთქვა, ერთმა,  
ჩასწერე: „შემოვიდა „ზვირთის“ რედაქციიდან  
„თანამედროვე აზრის“ ფონდის გასაძლიერებლათ  
ამდენი და ამდენი“...

— არა, მე მგონია ასე უმჯობესი იქნება:  
„მიღებულ იქნა გაზ. „ზვირთის“ რედაქციისაგან  
მის ნებსით და უნებლიეთ ცოდვათა მოსახსენებ-  
ლათ ხუთი თუმანი. პანაშვიდი დანიშნულია...“

— დაწყევლა ღმერთმა, კაცო „საქართვე-  
ლოს“ რედაქციაში ხომ არა ვართ პანაშვიდები  
ვიხადოთ.

— ასეა, თუ ისე, ეს კარგი წყარო აღმოუჩი-  
ნდა ჩვენს გაზეთს ამ სიძვირის დროს. ვსთქვათ  
ცხრა მეთედი ცილის წამებათა და ინსინუაციებისა  
მიიჩქმალა, დანარჩენი ერთი მეთედიც კვირეში  
ოცდაათ — ორმოც თუმანს იზამს.

— თუ ასეა, ამ თანხით ჩვენ შეგვეძლება  
საორშაბათო გაზეთი გამოვსცეთ თფილისში და  
ვებრძოლოთ „სახალხო გაზეთის“ ნაბიჭვარას.

— კარგი და პატიოსანი, მაგრამ თუ ვებრ-  
ძოლებით და მოვსპობთ, მაშინ ეგ შემოსავალიც  
ხომ მოისპობა.

უხერხული მდგომარეობა შეიქნა.

„ემშაკის მათრახის“ რედაქცია თავის მოსაზ-  
რებას გამოსთქვამს ამის შესახებ.

ჩვენის აზრით „თანამედროვე აზრის“ პოზიცია  
შემცდარია. არავისთვის საიდუმლოებას არ შეად-  
გენს ის ფაქტი, თუ რა სამსახურს უწევს გაზ. „ზვირ-  
თი“ მის დედინაცვალ „სახალხო ფურცელს“. ვერც  
ერთი ორგანო ვერ მიაყენებდა მათ იმ ზიანს, რაც  
უკვე მოიმოქმედა თევდორე ლლონტის ზვირთმა.  
თუ მართლა დარღვევა უწერია იმას, რაც აშენე-  
ბული არაა და რასაც „ფედ. პარტია“ ეწოდება,  
საუკეთესო მრღვეველი თედორე ლლონტი და მი-  
სი „ზვირთია. ბ-ნ გერონტი ქიქოძის „საქართვე-  
ლოში“ გადასვლა, უმთავრესად თვე. ლლონტის  
მიზეზია, ვინაიდან ორი ბუმბერაზი ერთ პატარა  
ქაობში ვერ მოთავსდებოდა..

ვიცოცხლოთ და მასაც დავინახავთ, თუ რო-  
გორ გააძევენს თევდორე ლლონტი კიტა აბაშიძეს,  
და სხვა მის მაგვარ სოციალისტებს. ჩვენ გვეგო-  
ნია გაზ. „საქართველოს“ მოსყიდული ყავს თე-  
დორე ლლონტი და თუ ჩემი მოსაზრებანი მარ-  
თალია:

— დაუბრუნდეს მიღებული 50 მან. „ზვირ-  
თის“ რედაქციას, რომ მან განაგრძოს თავისი მუ-  
შაობა „ეროვნული სოციალისმის“ ნგრევის საქმეში.

მორიელი.



# გორენაჲ.

გაზ. „სახალხო ფურცლის“ მე-567 ნომერში გორელი კორესპონდენტი ბ-ნი სანგანიძე სწერს:

„გორელი იცინის მაშინ, როცა სატირალია, სტირის—როცა უნდა იცინოს; ჰყვირის, როცა ჩუმად ყოფნაა საჭირო, კრინტს არა სძრავს, როცა უნდა იყვიროს; ზეიმობს იქ, სადაც სამგლოვიაროა, ძაძას იცვამს, როცა ზეიმია საჭირო...“

„მარად იცხოვრებ, მარად ისწავლიო“ ამბობს, ვგონებს, რომელიღაც ანდაზა. სწორედ ახლა მივხვდით, რატომ არის, რომ გორელი კორესპონდენტი „სახალხო ფურცლისა“ ბ-ნი სანგანიძე: სიცრუედ ასაღებს, რაც სიმართლეა, სიმართლედ გამოაქვს, რაც სიცრუეა; მახინჯათ ასურათებს, რაც საღ-საღამათია, საღათ გამოჰყავს, რაც გონჯი და მახინჯია; ღირეს ხედავს იქ, სადაც ბეწვია და ბეწვს ვერ ამჩნევს იქ, სადაც ღირეა. ამაზე ითქმის: „ხარი ხართან დააბი, ან ზნეს იცვლის, ან ფერსაო“.

კი.



## გიყარს ზირი.

იგავ-არაკი.

სოლომონი და დავითი მიდიოდნენ ერთხელ გზათა—  
(ის არ ვიცო, ეს მგზავრობა მოისურვეს იმ დღეს რათა!)  
გზაში შეხვდნათ მწირის ქობი,  
ჩანათხარი მიწას ღრმათა.  
ქობ-წინ იჯდა გლეხი კაცი,  
ფიქრს ექცია იგი ქვათა.

დაინახა ორი ბრძენი,  
სალამი სძღვნა, ვით წესია.

მოახსენა: რჩევას ვითხოვ,  
თქვენი სიბრძნე უგოდესია.  
ლარიბი ვარ, უმამულო,  
არც მიხნავს, არც მითესია,  
მხოლოდ იმით ვარ მდიდარი,  
შვილი შვილი დამესია.

აწ სიმშლილი კარზე მადგას,  
შემაწუხა მეტოს-მეტად,  
პური არ მაქვს, არც სიმინდი,  
ერთი ძროხა მყავდა კენტად,  
მინდა დავკლა—მაკე ძროხა,  
მენანება გასამეტად,  
სიკვდილი კი მემუქრება  
კოლშვილითურთ გასაუღეტად.

და სიკვდილის ანგელოზი  
დღეს არის თუ ხვალ მეწვევა,  
მოთმინება აღარ ძალ მიძს,  
გულში სევდა არ მეტევა,  
უნდა დავკლა მაკე ძროხა,  
თუმცა სისხლი დაინთხევა,  
სხვა სახსარი არა მაქვს რა,  
და როგორ ვქნა, მომეც რჩევა.

დავით ბრძანებს: „არ დაკლაო,  
მოგებამდის მოუცადე,  
როს მოიგებს, მისი წველით  
შენთვის საზრდო შეამზადე,  
რძე მაწონათ შეადედე,  
ერბო, ყველი ამოხადე,  
როდესაც ხბო მოიზრდება  
დაკალ სქამე მით სამწვადე“.

სოლომონმა უთხრა გლეხსა:  
—მე კი გირჩევ დღეს დაჰკალო,  
დღეს მაგითი იოლს წახვალ,  
ღმერთი სხვასა მოგცელს ხვალო“.  
გაურისხდა მეფე ბრძენსა:  
—გირჩევ იქით მოგვეცალო,  
თავად ისეც ღარიბია,  
გსურს ოჯახი დაუცალო?!

მიუბრუნდა დავით გლეხსა:  
— მე რაც გითხარ დამიჯერე,  
ხბოს მოიგებს, რძე მაწონით  
კუქს გაიძღობ კარგათ მერე,  
ყველს და ერბოს ფულზე შესცვლი,  
ტანთ საცმელი შეიკერე,

არ გაბედო ძროხის დაკვლა,  
ხელ უხლებლათ გააჩერე.

ურჩია და გზას გაუდგენ  
სვლა განაგრძეს, გაიარეს,  
მწვანებ ველთა შეჭხაროდენ,  
გლახზე ფიქრი უკუ ჰყარეს,  
მივიდენ იქ, ვინც ელოდათ  
ვისი ნახვით გაიხარეს.  
აქ კი გლახი მთლიათ შეეპყრო  
განსაცდელსა მეტათ მწარეს.

რა თქმა უნდა, მომლოდინე  
დატრიალდა მასპინძლორად,  
გაუშალა ლურჯი სუფრა,  
ზედ ხორაგი ჯურა-ჯურად,  
სასმელები მშვენიერნი,  
მოსალხენად საამურად,  
სტუმარი და მასპინძელი  
შემოუსხდენ სუფრას პურად.

ლხინსა მორჩენ წამოვიდენ,  
მოატანეს ქოხის კარსა.

დავით გულით დაეძებდა  
ძროხის პატრონ მეგობარსა,  
სურდა მისთვის დაეკითხა  
ფურს შესძენდა, ან თუ ხარსა,  
მოახლოვდენ და წარმოსთქვა:

— შეილო, ნეტავ ეს რა ჰყარსა?

უპასუხა შეილმა დავითს:

— მამავ, ვგონებ გიყარს პირი!  
თორემ ახლოს არა სჩანს რა,  
არც ფრინველი, არც ნადირი,  
აბა მიდი, ქოხი ნახე  
იქ დაგხვდება გასაკვირი,  
რაცა შენის ბრძანებითა  
გლახს მოჰგვარე გასაჭირი“.

რა წინ წარსდგა, ქოხს შეხედა,  
საოცრება დაინახა:

ხალხი ყველა დახოცილი  
მოგებაში მკვდარი ძროხა,  
თუმცა ბევრი შეინანა,  
გულსა შინა ივაგლახა,  
(ესრეთს ნაყოფს გამოიღებს  
ზოგიერთა რჩევა გლახა)

მოახსენა სოლომონმა:

— ამას ხედავ რა მოხდაო,

ერთი მრუდე რჩევისაგან  
მთლად ოჯახი ამოწყდაო.

დიდი გმართებს სინანული,  
ამა ცოდვის ჩამოხდაო,  
რათა შენით დაიხოცნენ  
რაც ჰყარს, შენს პირს აღმოხდაო.

ან. განჯის-კარელი.



## ქალთა საკითხი.

სწორედ შემთხვევით წავაწყდი „სახალხო  
ფურცლის“ 569 ნომერში ერთ ჩემს ძველ ნაცნობ  
მანდილოსანს, ქ-ნ ლეო (ვასილ) ხუნდაძის ასულ  
იმნაძეს.

წავაწყდი და სასიამოვნოდ განმაცვიფრა ქ-ნ  
ლეო (ვასილ) ხუნდაძის ასულ იმნაძის\*) არსებობაში  
და მსოფლ მხედველობაში მომხდარ ცვლილებებში.

წინეთ ის მხოლოდ „ლეო ხუნდაძე“ იყო,  
რამაც ერთხელ უნებლიეთ შეცდომაში შემიყვანა,  
ახლა კი „ლეო (ვასილ) ხუნდაძის ასული იმნაძე“  
გამხდარა. ჩემთვის კი მეორე ცვლილებაა უმეტეს  
საყურადღებო.

წინეთ ქ-ნი ლეო ხუნდაძე ეგრედ წოდებულ  
„ძალის“ პარტიას ეკუთვნოდა და სადაც საქმე  
„ძალით“ სწყდება იქ სიმართლეს რაღა ადგილი  
უნდა ჰქონდეს. დღეს კი ლეო (ვასილ) ხუნდაძის  
ასული იმნაძე უკვე „სიმართლის აღვიარების“ პარ-  
ტიაშია გადარიცხულა.

ამიტომაც იყო, რომ „წერილის“ თავმა და  
ბოლომ სასიამოვნოდ განმაცვიფრა. მაგრამ როცა  
შინაარსი ვაგიცანი ჩამეცინა და მომაგონდა:

„ტყავი თუმც გამოგიცვლია  
გული გაქვს ვსევ ძველიო“.

მე დარწმუნებული ვარ, ქ-ნ ლეო (ვასილ)

\*) არ იფიქროთ, რომ გრძელი ტიტული მარტო ბუ-  
ხარისა და ხვის ემირებს ჰქონდეთ.

ხუნდაძის ასულ იმნაძეს „სიმართლის აღიარება“ იმიტომ დასჭირდა, რომ... ხათაბალოა სწორეთ ქალებთან კამათი. სულ სხვა იქნებოდა ეს წერილი რომ ბეჯან ვასილის-ძე ხუნდაძეს დაეწერა, მაშინ ვიტყვოდით გაბედულათ: ეს „სიმართლის აღიარება“ იმისთვის დაჭირდა ბ-ნ ბეჯან ვასილის-ძე ხუნდაძეს, რომ ერთი წიხლი კვლავ გაიქნიოს დასელებსაკენ მეთქი. აქ არავითარი ფაქტიური და მით უმეტეს მორალური შეცდომა, თუ ანტითავაზიანობა არ იქნებოდა.

ქალბატონ ლეო (ვასილ) ხუნდაძის ასულ იმნაძესთანაც ასეთი ტაქტიკა არ გამოადგება და თუნდაც ათასჯერ მისაყვედუროს ამის გამო ქალ-ვაჟთა თანასწორობის პრინციპის დარღვევა, მე მაინც ვერ დავეთანხმები ბ-ნ შოთა რუსთაველის სიტყვებს:

„ლექვი ლომისა სწორია,  
ძუ იყოს თუნდა ხვადიო“,

მით უმეტეს, რომ საგანი ქ-ნ ლეო (ვასილ) ხუნდაძის ასული იმნაძის წერილისა „ქალთა თანასწორობის“ საკითხია. ის, ძველებური გატაცებით, ეკამათება „თანამ. აზრის“ კორესპ. „დამსწრეს“ და ბრალსა სდებს იმ ბოროტ განზრახულებებში, რომ მან არ აირჩია „კავშირთა კავშირში“ არც ერთი ქართველი ქალი. დანაშაული პირდაპირ მიუტყვევებელია. საზოგადოთ მდებდრობითი სქესი ქართველობის დაახლოვეით ნახევარს შეადგენდა, ხოლო დღეს ორი მესამედი მაინც იქნება. და თუ ეს ასეა, რატომ მოხდა, რომ შვიდ კაცში ერთი ქალი არ გამოერია?

ქ-ნი ლეო (ვასილ) ხუნდაძის ასული იმნაძე ჩემის აზრით სამართლიანად აბობოქრებულა ამ ძალმომრეობის წინააღმდეგ. აქვე ვიჩქარი განმარტო, რომ მე ქალთა თანასწორობის საკითხში ერთობ მოვიკოჭლებ. მაგალითად ჩემთვის გაურკვეველია, როგორ მოიქცეოდა ქალთა თანასწორობის მომხრე აი თუნდა ასეთ კონკრეტულ შემთხვევაში:

ესთქვათ ასარჩევია ახალი ქართული საზოგადოების გამგეობა ხუთი კაცისაგან. კრებას დაესწრო 50 კაცი, რომელთაგან 15 მდებდრია, 35 მამრი. საზოგადო განვითარების, მომზადების და ენერჯის მხრით მამრებში 15 საკანდიდატო კაცია. ამათგან ყველას პირველი სჯობია და ასე ბოლოსკენ ღირსება კლებულობს. მესუთმეტე მამრის შემდეგ მამაკაცებს ღმერთი უწყრებათ და პირველობა

დელაკაცის მხარეს გადადის. რა მოსაზრებით უნდა იხელმძღვანელოს ამრჩეველმა ამ შემთხვევაში:

ა) აირჩიოს ხუთი მოწინავე მამაკაცი,  
თუ

ბ) ქალთა თანასწორობის მიხედვით გამოსტოვოს 11 უფრო ღირსეული კანდიდატი მამაკაცი და აირჩიოს მეთექვსმეტე წყებაში მდგომი ქალი?

ესთქვათ ეს მეთექვსმეტე კანდიდატი ბრძანდებოდა ქ-ნი ლეო (ვასილ) ხუნდაძის ასული იმნაძე. საინტერესოა ვიცოდნე: როგორ მოიქცეოდა ამ შემთხვევაში პატივცემული მოღვაწე ქალი. გადახტებოდა იმ თერთმეტ ღირსეულ კანდიდატს, თუ დასთმობდა პრინციპს თანასწორობისას?

გარდა ამისა, ესთხოვ უფრო მკოდნე პირთ ქალთა მოძრაობისას, (ვიდრე ქ-ნი ლეო (ვასილ) ხუნდაძის ასული იმნაძე) განმიმარტონ: — გულისხმობს ასეთ დათმობას ქალთა თანასწორობის საკითხი, თუ...

ეშმაკი



### პატარა ფელეტონი.

არაკი.

„სიამითა და შევებით ვივსები,  
როდესაც ვკითხულობ გაზ. „ზვირთს“.  
კ. ებრალიძე.

ვირი ქაობში დაებათ —  
დიდ-ყურა საზრდოს ძიობდა,  
რა-კი ბალახი ეშოვა  
სხვას აღარაფერს ჩიოდა!  
წუმპეში, ლაფში ნაზარდი  
მწვანითა იკვებებოდა,  
არ ქონდა დარდი ქუქყისა  
სწიწკნიდა, იღეკებოდა!..  
მოსწონდა მწვანე ბალახი,  
სჭამდა თან დახვიზინებდა  
და ყროყინ-ტრაბახობითა  
მყრალ ქაობს მოალხინებდა:

„რა კარგა წალკოტს დამაბეს—  
 ედემში ვცხოვრობ, ვსტკბებიო,  
 ლორთქოში, მწვანე ბალახით  
 კუქს ვივსებ, ვიკვებებიო!  
 პატივს მცემს ჩემი პატრონი,  
 ძველები არ ვიტანჯებიო,  
 აღარც საპალნეს დავათრევ,  
 როგორაც სხვა ვირებიო!  
 რა-კი წალკოტი ვიხილე,  
 გავეცან მწვანის გემოსო,  
 აქედან ფეხსაც არ დავსძრავ,  
 თუნდა კეტითაც მცემოსო!  
 მეყოფა: დიდი სასჯელი  
 გმირულათ ვადვიტანეო;  
 სხვის სამსახურით, შრომითა  
 უზომოთ მოვიდალეო“!


და, შეკუნტრუშდა, შეუბტა,  
 თანაც ვაგორდა ჭაობში,  
 საბრალოს, თავი ბედშავი,  
 მართლაც ეგონა წალკოტში!..  
 და როცა გული იჯერა—  
 ხმა აუწია ნახ ტონსა,  
 შეხედა თავზე წამომდგარს  
 თვის განრისხებულ პატრონსა.

— „ეგ რა გიქნია მუტრუკო,  
 ტალახში რატომ გორაო,  
 ყვ შენი ზუგი ნათითხნი  
 როგორდა დავიურაო?“

ზე წამოაგდო, გასჯოხა  
 და წამოჰკიდა ცალეები...

როგორა ჰგვანან ამ მუტრუკს  
 ზოგ-ზოგი მაჩანჩალები.

ალბურნიონი.



## ლაგაჲ კათოს რუმ ჰკითხავენ:

— ქეთევანა სოფრომოვნა, რას ფიქრობთ—  
 როგორი ყმაწვილია გუგული?

— არ ვიცი, ღმერთმანი, რა გითხრათ! კრა-  
 სივ, იზიაშჩენ, ნო უ ნეგო ესთი ოდინ ბოლშოი  
 ნედოსტატოკ.

— მითხარით, ქეთევანა სოფრომოვნა, რა  
 ნაკლი აქვს ისეთი!

— ვერა, ვერა! ვერ გეტყვით! არავისთვის  
 არ მითქვამს და არც თქვენ გეტყვით! დამიფაროს  
 ღმერთმა!.. სკაყუ ტოლკო, ჩტო ონ გლუპ! ხან-  
 დახან ისეთ სიტყვებს იტყვის ხოლმე, ჩტო პროს-  
 ტო უდივიტელნო! ასეთი აზრისაა ჩემს შესახებ  
 ლამაზი ქეთო.

მკითხავთ: რადა?

აი რად!

ერთ მშვენიერ საღამოს, როდესაც ქეთოსთან  
 ერთად დავსეირნობდი ქალაქის ბაღის მყუდრო  
 კუთხეებში და ქეთოს გული თითქმის დაპყრობილი  
 მქონდა, ერთმა აზრმა გაშირბინა თავში:

„მე ქართველი ვარ, ქეთოც ქართველია! მაშ  
 რადა ვსაუბრობთ რუსულ ენაზე? განა ქართული  
 ენა მდიდარი არ არის სიყვარულის გამოსატქმელ  
 სიტყვებით?“

ამ აზრის შემდეგ მტკიცედ ვადივწყვიტე ქე-  
 თოსთან წმინდა ქართულ ენაზე მესაუბრა.

— ქეთევან, ამ ხეივანებში ლიფლიფები არსად  
 არ ანთია და თქვენ ხომ შიშმა არ შეგიპყროთ?

ქეთო გაშტირდა! „ხეივანი“, „ლიფლიფა“,  
 „შეგიპყრო“—ეს ყველა მისთვის უცხო ხილი იყო.

— თუ შეგეშინდათ სიბნელისა წამსვე წუმწუ-  
 მას ვავკრავ, თამბაქოს ვავაბოლებ და მის შუქზე  
 ვავაგრძელებ ქათინაურს... ქეთევან, როგორ ქარ-  
 თულ ენის უცოდინო გიაურივით გაჩუმებულხართ?..

ქეთომ ფეხს მოუჩქარა და მალე ელექტრო-  
 ნით განათებულ გზებზე გამოველით. აქ ქეთოს  
 თვალეში ცრემლები შევნიშნე.

— პროშჩაიტე! მითხრა მან აკანკალებული  
 ხმით. მე არ მეგონა, თუ თქვენ მაგისთანა ცუდი  
 სიტყვებით გამლანძღავდით.

— ქეთევანა სოფრომოვნა, ეს რა ლანძღვა  
 იყო. ქეთევანა სოფრომოვნა, მოითმინეთ... ეტლს  
 მიინც დაგიქირავებთ... პროსტიტე... ქეთევანა... ეხ!

გუგული.


# გამოცანა

(გან. ჯაზარეთი)

გამოცანას მოგახსენებთ  
დიდი არაფერიაო,  
ოთხ თვალა და ფეხებ გრძელა  
უნნო ჭია-წვერიაო,  
ტენნიკობას მიჰყო ხელი,  
თუმც მკურნალად სწერიაო.

ეზოს ზომავს, პლანებს იღებს  
თითქო ზემლემერიაო,  
სასირბილო თუ რამეა  
მორჩილ ფეხთა მტვერიაო,  
სადაც ნახავს არ გაუშვებს:  
ძაღლებისა მტერიაო.

კ-ა.



ბ-ნო სახალხო სკოლათა დირექტორებო! მე ვიხმეთ აქ, რათა გაგიცხადოთ, რომ თქვენ უნდა გააშროთ 5000000 კომბოსტო... მართალია, თესვის დრო უკვე გაცდენილია... მართალია თქვენს სკოლებს არა აქვს კომბოსტო, მართალია ბავშვები ოჯახისათვისაც ძვირფასნი არიან, მართალია ამ საქმისთვის თქვენ ერთ გროშსაც ვერ მიიღებთ და მართალია ისიც, რომ ამ საქმის, მავატიეთ სომ-ჩური სიტყვის ხმარა, თქვენ „ინჩიც“ არ გაგვეგზავთ, მაგრამ მიუხედავად ყოველივე ამისა ჩემი ბრძანება ენკენისთვის პირველს შესრულებული უნდა იყოს.




# ხელ-ახლად არჩევის გამო



ო. ი. შალვა

ა. ი. ხატისოვი, ბ-ბო, მე ქალაქის კეთილდღეობისათვის არ დამიზოგავს სიტყვა... (ტაში).



## მორიგი ექსტაზი გამუღივვილისა

ვფიცავ! ვფიცავ, მეგობრებო,  
„იმის“ ფეხებს...  
(ოქროს ქოშის)  
რომ ერთგულათ ვემსახურო  
სანეტარო  
„ქმობის“ დროშას.

ი. გრიშაშვილი.

# დეპეშები.

**საგარეჯო.** დაარსდა მომხმარებელი საზოგადოება „ნათლი-მამობა“, რომელიც უმთავრესად შაბიამანს ანაწილებს. თავმჯდომარეთ ერთხმად არჩეულ იქმნა ბ-ნი ბაზიეროვი.

**სოხუმი.** ადგილობრივი დემოკრატიის მიერ დაარსებულ კოოპერატივს „მაჩიხას“ (დედინაცვალს) დიდი წინსვლელიობა ეტყობა. გამგეობაში არჩეულია სამი ლენერალი, სამი გრაფინია და ერთი ტომარა\*). უბრალო ხალხს აღარ აწუხებენ თავის საქმეზე შრომით. ცხადია მომავალ არჩევნებზე დემოკრატია სავსებით დააფასებს ამ თავაზიანობას და შემდეგისთვის აღარ გარჯის პატივცემულ პირებს.

**ბახვი.** 24 აპრილს, სალამოს ხუთ საათზე, მოულოდნელათ დაატყვევეს რამოდენიმე ვაჭარი. პირველად „ბაზარს“ თავზარი დაეცა, მაგრამ მალე გამოირკვა, რომ დაქვრილები, სამკითხველოს წევრთა მეორე კრებაზე დასასწრებლათ მიჰყავდათ და პანიკა მცირედ დაცხრა.

ტყუილად როდი უთქვამთ ჩვენს ძველებს: „შიში შეიქმს სიყვარულსაო“.

**ხაშური.** ღამემ მშვიდობიანათ ჩაიარა. ბნელ ქუჩებში დაიმტვრა მხოლოდ სამი კაცი და ცხრა დედაკაცი. აკრძალეს მაღალქუსლიანი ფეხსაცმელები.

**იქიდანვე.** ადგილობრივმა მოძღვარმა საშინლათ გაამაგრა სასაფლაოს რაიონი. ცოცხალ არსებას შესვლა არ შეუძლია. შიშობენ: ვაი თუ მიცვალებულიც აღარ შეუშვასო.

**იქიდანვე.** „თამარობის“ დღესასწაულმა ბრწყინვალეთ ჩაიარა. გამოირკვა რომ ხაშურში 300 თამარი ყოფილა, რასაკვირველია განურჩევლად ეროვნებისა და სქესისა.

ერთმა ადგილობრივმა მოღვაწემ იანგარიშა, რამდენი თამარი გვეყოლება ათი წლის შემდეგ, თუ რომ გამრავლება წესიერი გზით წავა.

შედეგი დამაკმაყოფილებელია.

„გარდენიშვილი“.

\*) რედაქცია აღშფოთებულია სააგენტოს მოუწყობლობით. ცხადია „ტომარას“ მაგიერ სხვა ვინმე იქნება არჩეული, თუნდაც ბ-ნი ნიკო თავდგირიძე. ნეტავ როდის ველირებით სწორე ცნობების მიღებას.

**ნავთლული.** (განმანაწილებელი პუნქტი). ერემენკოვი იუწყება ცენტრალური ცეიხგაუზის დებეშათა სააგენტოდან, რომ „ერვანდ ფაშის მიერ პაგონ-იარად აყრილი „პორკონიკი“ ოტ ინფანტერი დეზინფერიი კოსლერ შპორებიანცი ქალაქში კვლავ „პორკონიკის“ ფორმით იარება, რის მოწმე თვითონვე გავხდი და კინალამ კომენდატსკი უპრავლენიეში ამოგყავი თავიო“.

ამბობენ რომ ნავთლულიდან „ვოლნი“ ტანი-სამოსში გამოწყობილი გადის ტრამვით, მაგრამ ქალაქში ჩასვლამდი, (რადაცა სასწაულით) „პორკონიკი“ ხდება; ბევრისგან გაიგონებთ, თითქო ჯიბაში ჰქონდეს მთელი ამუნიცია და ისე იყოს დახელოვნებული, რომ წუთი იყოს წაჭირო, როგორც გასაკეთებლად აგრეთვე მოსაშორებლათო. სინამდვილის გამოსარკვევათ დაინიშნა სპეციალურ მზვერავთა კომისია.

**იქიდანვე.** „7-66“ სიმაღლე ერთი შეტევით აიღო ერვანდ ფაშამ, ამიტომ აღარ დასქირვებია „რასჩოტის“ ქარხნის ზარბაზნის ხმარება. რუბენ ბეი ძველებური სახით შეუდგა სამსახურის შესრულებას.

**იქიდანვე.** ხმები, თითქოს მზრუნველი განაწილებელ გოსპიტალში მოსამსახურე დაბალ პერსონლის დედათა სქესისა, ბებურხანოვი სამხედრო ცენზორად დაენიშნათ ამავე გოსპიტალში მოვალ და წამავალ წერილებისა, ტყუილი გამოდგა. ალბათ „მეჭორეებმა“ მასალათ გამოიყენეს ერთნაირი „გულუბრყვილო“ სიყვარული ბებურხანოვისა თავის პაციენტებისადმი, რომ ის მართლაც მათ (პაციენტების) სახელზე მოსულ წერილებს ათვალთვრებს, ყველა განყოფილებებში თვითონვე ჩამოარიგებს, (აბა რა სანდოა ახალგაზრდა ბიჭები!) ღამით რამდენჯერმე „აბხოლს“ გააკეთებს, (განა გასაკვირია—თვითონვე დარწმუნდეს თავის მზრუნველობის ქვეშ მყოფთა მდგომარეობაში?) და ვაი მას, ვინც ხელს შეუშლის ამ „მძიმე და პასუხის საგებ“ ოპერაციის დროს.

ჯიმშერ.



# მოსსენება

**ჭიათურა. დ. ეშმაკო!\*)** დ. ჭიათურა სრულიად დაივიწყე! მას შემდეგ, რაც შენ კახეთში მოგზაურობა იწყე, ჩვენ აღარა გვწყალობ. მართალია, კახეთის მნახველს ჩვენი შავი ჭიათურა აღარ მოგეწონება, მაგრამ არც ისეა საქმე. ჭიათურა, ოდესღაც შავი სამეფო, დღეს კულტურულ და განათლებულ ცენტრს წარმოადგენს. ამის სიმართლე ისეთი ადვილი დასამტკიცებელია, როგორც ორჯერ ორი თოთხმეტი\*\*). შენ წარმოიდგინე, „ჩვენი მეგობარი“, ეს დასავლეთ საქართველოს, ქალაქ ქუთაისბურგის ღვიბ ორგანო, 50 ცალი საღებვა ჭიათურაში ყოველ დღე იღობ. შენ გეოგრაფიის გარდა, მატემატიკასაც გიქებენ. აბა იანგარიშე, თუ რამდენ სიტყვას დაიტევს 50 ცალი გაზეთი. მე მგონია მილიონობით უნდა დავითვალოთ. ჰო და ყოველ დღე მილიონი ფაქიზი, ზრდილობიანი და ზნეობის მასწავლებელი სიტყვები რომ ვიკითხოთ და ვისმინოთ, რასაკვირველია გონებრივად აუმაღლდებით და გავკულტუროსნდებით.

აი მიზეზი იმ მდევკაცური ნაბიჯისა, რომელიც ბადადგა ჭიათურამ პროგრესის გზაზე, და რომელმაც ეგზომ განავითარა და განანათლა ჩვენი შავი სამეფო.

თუ ჩამოხვალ, გაგაცნობ აქაურ ნიჭიერ ყმაწვილს, ზრდილობიანს, მეგობრის რედაქციაში კარგათ ცნობილს, საზოგადო მოღვაწეს, ღირსეულს და ენა წყლიან ორატორს, დიდათ პატივცემულ პრაკოფ პატიოსნოვიჩ ფონტრიაპკოვს და მის ღირსეულ მეუღლეს ბარონ რიბოვს, რომელთაც ესოდენი ღვაწლი დასდეს ჭიათურას, რომელთა მეოხებით და „ჩვენი მეგობრის“ საშუალებით მილიონობით შევიძინეთ ზნეობის და ზრდილობის გამომხატველი ტერმინები. დიახ პრაკოფ პატიოსნოვიჩ ფონტრიაპკოვი გახლდათ, რომელმაც კეთილ ინება და თავისი მოხერხებული ობსტრუქციით ადრე მოგვაშორა იმ სულშემხუთავ, გაფუჭებულ ჰაერს, რომელიც ჰსუფევდა ადგილობრივ თეატრის დარ-

ბაზში, 25 მარტს სახალხო უნივერსიტეტის კრებაზე.

მიუხედავად ამოდენი ღვაწლისა, ჩვენ ხალხი ისეთი უმადურნი გამოვდექით, რომ დავტანჯეთ პატივცემულნი მოღვაწენი და მათდამი შეუფერებელი შრომა მივაყენეთ მეორე კრების მოსაწყობათ. წარმოიდგინე ბარონ რიბოვი, ეს სათნოები მოციქული, რომელიც მხოლოდ და მხოლოდ კაბინეტიდან უნდა სცემდეს ბრძანებას, ასე გავტანჯეთ, რომ თვით ეს ნაზი არსება დარბოდა ხმები საშოვნელად საჩხერის მიდამოებში. მართალია მასოსანა მიუჩინეთ თანაშემწეთ, მაგრამ აბა სად ფეხის ხმას აყოლილი სოსანას მუშაობა და სად გამოწრთენილ-გამოქანზრებულ ბარონ—რიბოვის თავიანი და შემპარავი მოპყრობა ბრწყინვალე წოდებისადმი. დიახ ჩვენ არხენად ეხვრინავდით მაშინ, როცა ბატონი რიბოვი შუალამისას დარბოდ აღმა-დაღმა და ხმებსა ჰკრეფდა. ბ. რიბოვიმ ადამიანთა და ხალხის საკეთილდღეოთ კაკეთ ისეთი შავი საქმე, რომელსაც ჩვენ უბრალო მომავლად არ ვკადრულობთ.

ბ. რიბოვზე უარესი დღე გასპადინ პრაკოფ პატიოსნოვიჩ ფონტრიაპკოვს დავაყენეთ. წარმოიდგინე, ძმაო ეშმაკო, ასეთ ცნობილ მოღვაწეს როგორც უფალი ტრიაპკოვია, თვით მოუხდკრების დღეს: თუ სადილიდან აყენება წვეგრების თუ ლოგინიდან ადგება, თუ სტრატეგიის საშუალებით დაძახება, თუ საავათმყოფოდან ქარებიანი ავადმყოფის ჩამოყვანა, რომელთაც ხელეში ქარების მიზეზით ფეხით მოუხდათ კენჭის ჩაყრა.

აი, ასეთი სატანჯველი მივაყენეთ ჩვენს ზემოთ ნახსენებ მოღვაწეთ, ასეთი, შავი საქმე გავაკეთებინეთ მათ მაშინ, როდესაც ჩვენ „რიადლოვები“ ვიდექით უსაქმოდ და ბუზებსა ყვლაპავდით. შენთვის უფრო განსაცვიფრებელი ის იქნება, რომ ეს პატივცემულნი პირნი, რომელთაც თავისი ძაღლონე შეალიეს საზოგადო საქმეს და განსაკუთრებით ამ არჩევნებს, —გავაშავეთ და კულტურულ კავშირში, ჩვენი უბრალო მომავლადნი გავიყვანეთ. განა ასეთი უმადურობა იქნება! იმედია, ძმაო ეშმაკო, ჩამოხვალ და შენ მიერ რწმუნებულ პატარა ეშმაკებს ჯეროვან დარიგებას მისცემ, რომ ასეთი საქციელი კვლავ აღარ ჩაიდინონ. პატივი სცენ ღირსეულთ, რათა მათი მადლიანი კალმის ნაყოფი ერთი ასად იქცეს და სიტყვანი წმინდა მოცი-

\*) ეს წერილი სხვა და სხვა მიზეზების გამო გვიან იბეჭდება. ეშმ. მათრ. რედ.

\*\*\*) ათის გამოკლებით.



ულთა მხსნელ და მფარველ ტარტაროზათ მო-  
 ვეველინოს ჩვენ. უკაცრავად, წერილი გამიგრძელ-  
 და, მაგრამ შენი ბრალთა. ამდენი ხანია არ მინახ-  
 იხარ და მინდა წერილით მაინც მოვიკლა შენი  
 ნახვის წყურვილი. აწ კი ნახვამდის. დანარჩენი და  
 დასასრული შემდეგისთვის იყოს.

რვა კენჭი\*)

დიდი ჯიხაიში.

მინდა ვაცნობო ეშმაქსა  
 ავ-კარგი ჩვენი ყოველი...  
 ამ სოფლად ერთობ ბევრია  
 ბნელი და მავნე ცხოველი.  
 დაბეჩავებულ ხალხზედა  
 დაცეცილი აქვთ თვალები,  
 ვითომ და მათი მოწყალე...  
 ნამდვილ კი შეუბრალები.

კიდევაც „პატრიოტობენ“  
 ეს სოფელის ნაძირალები!  
 მათ შუბლზე სძებნო, ვერ პოვო  
 სინდისის ნატამალები.

სადაც რომ ძალას ატყობენ,  
 არიან შესაბრალები.  
 იკუნჩხებიან ვით ზღარბი  
 პირ ნიღაბ ანაფარები.

როცა ხედავენ: ხალხს თავზე  
 რისხვა აქვს დანაფარები  
 ეჭ, მაშინ უნდა შეხედოთ!  
 არცა ყავთ ტოლი, ცალები.  
 ხალხის მწყესობას, ჩემობენ  
 ეს პირნი განაშავები,  
 დონ-კიხოტივით სუყველას  
 „დაპრაწული“ აქვთ თვალები,  
 ხალხის ფულებით სუქდება,  
 ხალხის წინ დამნაშავები  
 გასულთა დროთა წესების  
 მძებნელი, მოტრფიალები.

ზოგს ტანზე კაბა აცვია,  
 და არის სჯულის მოძღვარი...  
 ხალხში თუ რამე აღმოჩნდა  
 ქანქარის რამე მაგვარი,

\*) ეს რვა კენჭი, „ესფერო“ ყუთში,  
 ზედმეტათ რომ გარაჩუნდა,  
 მოვიპარე ფსევდონიშათ,  
 თუ არ დამცხეს ქვა და გუნდა.

ერთი ალაგი, მეორეც,  
 მესამეც, თუა ამგვარი,  
 უთუოდ, იმას ეკუთნის,  
 რადგან კუჭი აქვს მაძლარი.  
 მეორე ინტილიგენტი,  
 დიდებული აქვს სახლკარი,  
 სამგან თუ ქანქარს აიღებს  
 არც იმას ეთქმის უარი.

ასეა ესე ქვეყანა  
 ასეა მათი ზომაო...  
 მაძლარს, სიმამღრე, გაძლომა,  
 მშიერს სიმშილით შრომაო.

კიკოლა ბიჭი.



მესტვირული.

(№ 33 ჯანჯანის).

შენ, ჩემო კარგო ქამანჩავ!  
 უნდა შეგახო ხელია,  
 რომ მღერით შემოვიაროთ  
 ნავთლულის მინდორ-ველია.  
 ლაზარეთებში შევიჭრათ,  
 (თუმცაღა მეტად ძნელია)  
 სიფრთხილგ გვმართებს ამ ქამად  
 იქ სცხოვრობს რუხი მგელია,  
 არ ვიცი, გადარჩენოდეს

შიგ მყოფი უკბენელია,  
 გარეშეებსაც, არა ერთს,  
 დაუსახიჩრა წელია;  
 მისგან გარბიან ყველანი,  
 ვით მეძებრისგან მელია...  
 დადგება ხანა, გამოჩნდეს  
 საქმენი მისი ბნელია,  
 დღეი დაადგეს საზარი,  
 მოსძებნოს სორო-ხერელია,  
 შიგ შეძვრეს, იმალებოდეს  
 ბოროტი შემცოდველია...

ახლა ვეწვიოთ შაქროსა,  
 არ დაგვრჩეს უმადურია,  
 მიუღიღინოთ: გეთაყვა,  
 ცოტა გვათხოვე ყურია;  
 მოხედე ერსა „პუნკტისას“  
 და მიეც საზრდო პურია,  
 მარხვა ეყოფა, ამდენი,  
 ნუ ხარ სასტიკის ჯურია“...  
 დამპალი თევზით და ბრინჯით  
 ვით შესძლონ სამსახურია?  
 შენ შემოგყურებს, მამაო,  
 გარეშე — შინაურია.

არ დაგვაფიწყდეს, სტვიროჯან,  
 შახუნ-ჩანჩაგირია,  
 ტელეფონისა გამგეთა,  
 ჩქარი მიშველა სჭირია,  
 ლიღინით ვამცნოთ ქვეყანას,  
 რომ მათ დაადგა ჭირია;  
 „მოწყალე დებსა“ უხმობენ  
 ნაცნობ-სუცნობი პირია,  
 ზოგი „ვეტელში“ იბარებს,  
 ზოგს მოსწონს მტკვრისა პირია,  
 თუ ვინმეს ღროი გადუცდა,  
 გამგეთ ვერ იხსნის გმირია,  
 დანგრევა, განადგურება,  
 იერიშებიც ხშირია...  
 აწ კი ვუშველოთ ვავს, თორემ  
 დაგრჩებით ანატირია.  
 უფალო! გვიხსენ მონანი,  
 ნურმც ვიქნეთ განაწირია!

შ — ა.

# გაცრუებული იმედი

ანუ  
ვინ იყვნენ ქურდები?

ეს ამბავი გურიაში მოხდა, სოფ. ჯვარზე, შე-  
 მოქმედის საზოგადოებაში, ვინაიდან ახირებული  
 ყველაფერი გურიაში უნდა მოხდეს.

ფეხ-აკრფით ეპარებოდნენ ისინი პატარა შავსა  
 და მქვარტილიან ქოხმასს. თუმცა ლამის სუდარს  
 ჰფარავდა ყველაფერს, მაგრამ ისინი მაინც შეში-  
 ნებულად აცეცებდნენ აქეთ-იქით თვალებს. ცხადია  
 ეშინოდათ.

ფრთხილად გაიღეს სამკედლოს კარები და  
 ხარბათ დაიწყეს ნივთების თვალიერება. ყველაფე-  
 რი ცივი და ჯანგიანი აღმოჩნდა. „კასაშიაც“ მხო-  
 ლოდ კაპეიკები დახვდათ.

— აი, ჩვენთვის საჭირო ნივთები, დაიძახა  
 ერთმა და იქვე კუთხეში მიყრილ ნალებს ხელი  
 დააფლო.

მახლობელ ეკლესიაზე ყარაულმა ჩვეულები-  
 სამებრ ზარებს ჩამოჰკრა და მით ქურდებს საქმე  
 გაუფრთხო. იმათ მსწრაფლ მიატოვეს პატარა მქვარ-  
 ტლიანი ქოხი და ნადავლით წყვილიადში მიიშალენ.

შეცდომა ლამის რაინდებისა მხოლოდ მეო-  
 რე დილით გამოირკვა. როცა მათ სამკედლოში  
 მოპარული ნალები ფერხთ მიიზომეს ყველა დიდ-  
 რონი აღმოჩნდა. მათ მხოლოდ ნალების სიმრგვა-  
 ლით იხელმძღვანელებს, სილიდეს ყურადღება  
 აღარ მიაქციეს და ნალებიც ბედაურ ცხენების აღ-  
 მოჩნდა. მათთვის თურმე მეოთხედი ზომისაც იკ-  
 მარებდა.

ვინ იყვნენ ქურდები.

შ — ტალი.



შ — ა.

# გამოცანა

(ქვიტარი, ქუთაისის მარხა)

ერთი ვინმე (ამ სოფელში)  
დაბალი და ქალარაა,  
ხშირად რომ სვამს და ბევრს ლოთობს  
მის ჭკუაზე აღარაა.

ხან ერთს ლანძღავს, ხან მეორეს  
ბილწ სიტყვებით ყველას თათხავს...  
(სწორეთ კარგი იქნებოდა  
უცხუნებდეთ მაგრად მათრახს).

თუ ოდესმე ფხიზლათ არის  
მელა-კუდობს, ეგ მაცდური  
და საწყალ გლეხს ფცქენის, ატყავებს  
თუ იხელთა უბედური.


თვითონ ხშირად გაიძახის,  
რომ თუმნობით ხარჯავს დღეში,  
გასაკვირვი ამბავია?!  
სად შოულობს ამდენს ჩვენში?!

ოცდა ათი მანათი აქვს  
შრომის ქირა იმას თვეში,  
აბა, ამდენს რითი ფლანგავს  
თუ არ სცურავს საქრთამეთში?

„ჯოჯოხეთის ოთახი“ აქვს  
ყველა სტავენბ დახურული...  
ბნელ ოთახში გლეხი შეჰყავს  
საქმე რომ ჰქმნას დაფარული...

მოსე მწერალს წააქარბებს,  
ოინები იცის ბლობად  
და სოფელიც მისცა ღმერთმა  
ფართე კუქის გასაძლომად.

ლაი-ლაი.



# „ეშმაკის მათრახის“ ხელის- მომწერთა საყურადღებოთ:

ვთხოვთ ხელის მომწერლებს ჟურნალის ფული  
ვისაც არ გადაუხდია ადრე გამოგზავნონ, წინააღმ-  
დეგ შემთხვევაში „ეშმ. მათრახის“ გზავნა შეუწყ-  
დებათ.

ფული უნდა გამოგზავნოს შემდეგი ადრესით:  
Тифлисть, Ольгинская № 6, С. Таварткиладзе.

# გამოვიდა „სს“ -ის ახალი ბროშურა კონსერვატიზმი, ლიბერა- ლიზმი და სოციალიზმი.

კანტარა „განათლებიხ“ მიერ გამოცემული.  
ფასი 25 კაპ.

აგენტებს დაეთმობათ 20 კ. საწყობი ოლღას  
ქუჩა № 6.

# განცხადება

ჩაეწერთ დეზინფექტორთა კლუბში.

# ს ს ყ უ ი ს

ვინც ამბობს, ვითომც მსოფლიო ომმა გაა-  
ნადგურა ყველაფერი და სიამოვნება ხალისიც თან  
წაიღოვო... მობრძანდით, ჩაეწერთ წევრათ და  
თქვენ დარწმუნდებით, რომ ადამიანის სულიერ  
წყურვილთა მოკვლა შეიძლება ყოველ დროს.  
მკითხველი დარწმუნდება, რომ „კლუბისტებს“  
ანგარება არ აღაპარაკებსთ, არამედ იღვწიან, რომ  
ადამიანის დამშეულ გონებას მიაწოდონ სულიერი  
საზრდო. — წევრად ჩაწერა და შესვლა უფასოა,  
რაც შეენება გამოსვლას, ამაზე შემდეგ...

(გამან. ლაზარეთი)

პატივისცემით ყოფილი პორკონიკი გ—ცი.

ვისაცა აქვდენ ყურნი სმენად, ისმინეთ.

**ირქარეთ უმთხვევა იფვიათია!**  
**ბედშაო სოფლის მუშებო!**

ისარგებლეთ იფვიათი უმთხვევით. ჩაეწერეთ ჩემს მუშათა რაზმში.

**პირობები ხელსაყრელია.**

- 1) ხელფასი დღეში 5 მანეთი. (8 საათის სამუშაო).
- 2) ბინა, ხარჯი და წამლობა ჩემი.
- 3) გზის ხარჯი ბათუმამდე თქვენი, იქით ჩემი.
- 4) ანგარიშის გასწორება ყოველ დროს.

**ირქარეთ, ირქარეთ, ირქარეთ!**

ვარდენ ფლიდაძე.

**იჯარადარნო და მოიჯარაღრენო!**  
**ისარგებლეთ ბედნიერი შემთხვევით.**

შემიძლია ქ. ბათუმში ჩაგებართ 500 — 600 კაცამდე გამოცდელი მუშა ხელი.

**საკომისიოდ ავიდებ სულზე მხოლოდ 7 მანეთს.**

ხელფასის შესახებ მუშებს თითონ მოელაპარაკებით ადგილობრივ.

**საჭირთა სირქარე!**

ვარდენ ფლიდაძე.

**ვინა უბრთი ქრისტიანნი.**

მივმართავთ ყველას, ვისაც კი გული უტკივა საწყალი ხალხისათვის, შევიდეს ჩვენს უმწეო მდგომარეობაში და აღმოგვიჩინოს დახმარება. ვილაც გაიძვერა ფლიდაძემ სასტკაით მოგვაცუჟა, სოფლიდან ბათუმში ჩამოგვიყვანა და მიგვიცა ვილაც უღმერთოს. გვინდა სოფელში დაბრუნება, გზის ფული აღარ გვაქვს. გვიშველეთ.

ხელს აწერს 500 კაცი.

